

Հայտնի դարձրած № 2 տպարան, Երևան  
Կոմիտայի № 8, 1954 թ., գինը 50 կոպ.

ՎՋ 09341 Պատկեր 239 Տիրած 8250

БЛОКНОТ АГИТАТОРА

№ 5  
1954 թ.  
Армении  
Отдел пропаганды и агитации ЦК КП

Խմբագիր՝ Գ. ՊԵՏՐՈՅԱՆ

Գրքի մասին «Ս. Զ. Ի»-ի 1954 թ. 9-ի համարում:  
Այս քաղաքում կառուցվում է նոր կառույցներ, որոնցից մեկը կառուցվում է Կոմիտայի համարում 5-ի համարում:  
Կառուցվում է նոր կառույցներ, որոնցից մեկը կառուցվում է Կոմիտայի համարում 5-ի համարում:  
Կառուցվում է նոր կառույցներ, որոնցից մեկը կառուցվում է Կոմիտայի համարում 5-ի համարում:  
Կառուցվում է նոր կառույցներ, որոնցից մեկը կառուցվում է Կոմիտայի համարում 5-ի համարում:  
Կառուցվում է նոր կառույցներ, որոնցից մեկը կառուցվում է Կոմիտայի համարում 5-ի համարում:

Գրքի մասին քաղաքում կառուցվում է նոր կառույցներ, որոնցից մեկը կառուցվում է Կոմիտայի համարում 5-ի համարում:

ՀԿՊ ԿԵՆՏԿՈՍԻ  
ՊՐՈՓԱԳԱՆԴԱՅԻ ԵՎ  
ԱԳԻՏԱՅԻԱՅԻ ԲԱԺԻՆ

ՀԵՐԱՄԱՆՈՒԹՅՈՒՆ  
ԲԼՈՂՆՈՏ

ОБЯЗАТЕЛЬНЫЙ  
ЭКЗЕМПЛЯР

№ 6

Г. У. С. С.

1954



# ԲՈՎԱՆԴԱԿՈՒԹՅՈՒՆ

էջ

Կոլտնտեսութիւններում սիստեմատիկաբար մաս-  
սայականացնել առաջավոր փորձը . . . . . 1

Նյութեր գրույցների համար

Ի. ԳՈՒԴԻՆՍԿԻ.— Էկոնոմիկայի և աշխատավոր-  
ների բարեկեցութեան վերելքի ուղիով . . . . . 8

Ագիտացիոն աշխատանքի փորձից

Ա. ԱՎԵՏԻՍՅԱՆ.— Ագիտատորի զրույցը աշ-  
խատանքի արտադրողականութիւնը բարձ-  
րացնելու մասին . . . . . 20

Աշխատանքի առաջավորների փորձից

Գ. ՄՈՎՍԻՍՅԱՆ.— Տրակտորային բրիգադան  
սլաւրաստ է գարնանացանին . . . . . 26

Պատասխան ընթերցողների հարցերին

Ա.Զ. ԵՍԱՅԱՆ.— Չորս տերութիւնների արտաքին  
գործերի միջխտրների Բեռլինի խորհրդակ-  
ցութիւնը . . . . . 34

ՏԵՂԵԿԱՏՈՒ ԲԱԺԻՆ . . . . . 45

Խմբագրության հասցեն.— Երևան, ՀԿՊ Կենտկոմ,  
Պրոպագանդայի և ագիտացիայի բաժին: Հեռախոս  
2—52—78:

## ԿՈՒՆՏԵՍՈՒԹՅՈՒՆՆԵՐՈՒՄ ՍԻՍՏԵՄԱՏԻԿԱԲԱՐ ՄԱՍՍԱՅԱԿԱՆԱՑՆԵԼ ԱՌԱՋԱՎՈՐ ՓՈՐՁԸ

Կոմունիստական պարտիաճն և Սովետա-  
կան կառավարութիւնը լայն միջոցառում-  
ներ են ձեռնարկել գյուղատնտեսութեան բո-  
լոր ճյուղերի արագ զարգացման վերելքն  
ապահովելու, երկրում պարենային մթերք-  
ների վիակատար առատութիւնն ստեղծելու  
համար:

ԱՄԿՊ Կենտկոմի Սեպտեմբերյան պլե-  
նումի որոշումը և երկրում հացահատիկի  
արտադրութիւնն ավելացնելու մասին պար-  
տիայի Կենտրոնական Կոմիտեի պլենումի օ-  
րերս ընդունած որոշումը հանդիսանում են  
մարտական ծրագիր՝ սոցիալիստական գյու-  
ղատնտեսութեան հետագա զարգացման  
պրակտիկ խնդիրները հաջողութեամբ լուծե-  
լու գործում:

Որպեսզի գյուղատնտեսութեան հետագա  
զարգացման վերաբերյալ պարտիայի և կա-  
ռավարութեան կողմից առաջադրվող խն-  
դիրները հաջողութեամբ լուծվեն, անհրա-

46175 54





ժեշտ է կոլտնտեսություններում, սովխոզ-  
ներում, ՄՏԿ-ներում լայնորեն մասսայա-  
կանացնել և արմատավորել առաջավոր  
փորձը:

Աշխատանքի պրակտիկան ցույց է տա-  
լիս, որ չի կարելի գյուղատնտեսության մեջ  
հասնել լուրջ հաջողությունների, առանց  
ընդհանրացնելու և տարածելու առաջավոր  
փորձը: Միշտ էլ առաջավոր փորձի տարած-  
ման ու արմատավորման շնորհիվ կրկնա-  
պատկվել ու եռապատկվել են կոլտնտեսու-  
թյունների եկամուտները, հանդես են եկել  
գյուղատնտեսական աշխատանքի նոր վար-  
պետներ:

Առաջավոր փորձի տարածման և արմա-  
տավորման միջոցով վիթխարի հաջողու-  
թյունների են հասել Շահումյանի շրջանի  
կոլտնտեսությունները: 1949 թվականի հա-  
մեմատությամբ, 1953 թվականին շրջանում  
մոտ 4 անգամ աճելացել է անասունների  
կաթնատվությունը և մոտ 6 անգամ՝ անաս-  
նաբուծությունից ստացված եկամուտները:  
Նույն շրջանի Շենգավիթ գյուղի Կալինինի  
անվան կոլտնտեսության կովբուծական  
ֆերմայի վարիչ, ագիտատոր Ս. Ավետիսյա-  
նը պատմում է, թե ինչպես իրենց մոտ ար-  
մատավորելով Կոստրոմայի մարզի «Կարա-

— 2 —

վաևո» սովխոզի անասնապահների առաջա-  
վոր փորձը անասունների կերակրման,  
խնամքի ու պահպանման վերաբերյալ, հա-  
սան խոշոր հաջողությունների՝ կովերի կաթ-  
նատվության բարձրացման գործում: Կոլտըն-  
տեսությունում առաջավոր փորձի արմա-  
տավորման հենց առաջին տարում, — ասում  
է նա, — կովերի միջին կաթնատվությունը  
488 լիտրից բարձրացավ 1.648 լիտրի, երկ-  
րորդ տարում՝ 3.080 լիտրի, երրորդ տարում՝  
3.395 լիտրի: Առաջավոր փորձի արմատա-  
վորմանը նախորդեց ագիտկոլեկտիվի կողմից  
կազմակերպված պատկերավոր և նպատա-  
կասլաց ագիտացիան: Ագիտատորները և  
հատկապես գյուղատնտեսական գիտություն-  
ների թեկնածու ընկ. Ա. Երիցյանը անասնա-  
պահներին պատմեցին առաջավորների աշ-  
խատանքի այն ձևերի ու մեթոդների մասին,  
որոնց միջոցով նրանք ձեռք են բերել անա-  
սունների բարձր մթերատվություն:

Պարտիայի և կառավարության ձեռնար-  
կած միջոցառումները գյուղատնտեսության  
զարգացման վերաբերյալ հաջողությամբ  
կենսագործելու համար անհրաժեշտ է, որ  
ագիտատորները բարձրացնեն կոլտնտեսա-  
կանների, մեքենա-տրակտորային կայան-  
ների մեխանիզատորների աշխատանքային

— 3 —



ակտիվությունն ու նախաձեռնությունը, ծա-  
վադելով նրանց մեջ գործարար սոցիալիս-  
տական մրցություն: Այդ գործում աշխա-  
տանքի ուսանելի փորձ ունեն կիրառականի  
շրջանի Սարահարթ գյուղի Չկալովի անվան  
կոլտնտեսության ագիտատորները: Տեղե-  
կանալով, որ եղբայրական Վրաստանի Քա-  
րելիի շրջանի Լեթեթի կոլտնտեսականները  
շաքարի ճակնդեղի ռեկորդային բերք են  
ստացել, նրանք հանգամանորեն ուսումնա-  
սիրեցին Լեթեթցիների առաջավոր փորձը,  
կոլտնտեսականներին մանրամասնորեն  
պարզաբանեցին այն, այնուհետև օգնեցին  
նրանց սոցիալիստական մրցության մեջ  
մտնելու Լեթեթցիների հետ: Արդյունքը եղավ  
այն, որ 1953 թվականի գյուղատնտեսական  
տարում սարահարթցիները նույնպես ճա-  
կնդեղի բարձր բերք ստացան: Առանձին  
օղակներ, ինչպես, օրինակ, Արշալույս  
Վարդերեսյանի օղակը, ճակնդեղի յուրա-  
քանչյուր հեկտարից ստացել են ավելի քան  
500 ցենտներ բերք:

«Մեր աշխատանքներին, — ասում է օղա-  
կավարուհի Ա. Վարդերեսյանը, — մեծ շա-  
փով նպաստեց եղբայրական Վրաստանի  
Քարելիի շրջանի Լեթեթի կոլտնտեսության  
հետ ծավալված սոցիալիստական մրցու-

— 4 —

թյունը: Մեր մրցակից բարեկամները շաքա-  
րի ճակնդեղի բարձր բերք աճեցնելու մեծ  
փորձ ունեն: Նրանց դեղագացիան եղավ մեզ  
մոտ և հաղորդեց իրենց փորձը: Մեր ճակն-  
դեղագործները, որոնց թվում և ես, գնացինք  
Լեթեթի, այնտեղ շատ բան սովորեցինք»:

Կոլտնտեսականների և գյուղատնտեսու-  
թյան ֆրոնտի մյուս աշխատողների աշխա-  
տանքային ակտիվության ու նախաձեռնու-  
թյան մասին ուսանելի շատ օրինակներ կան,  
որոնք արդյունք են ագիտացիոն-քաղաքա-  
կան աշխատանքի ճիշտ կազմակերպման:

Այժմ, գյուղում կատարվող ագիտացիոն-  
քաղաքական աշխատանքի հիմնական բո-  
վանդակությունը պետք է լինի ՍՄԿՊ Կենտ-  
կոմի Սեպտեմբերյան պլենումի, ինչպես  
նաև վերջերս տեղի ունեցած պլենումի որո-  
շումների և գյուղատնտեսության զարգաց-  
ման մասին պարտիայի ու կառավարության  
մյուս որոշումների լայն մասսայականա-  
ցումը: Մեր երկրի համար կենսական  
նշանակություն ունեցող այդ պատմա-  
կան որոշումները պետք է հանգամանո-  
րեն, ճշմարտացի ու պատկերավոր կերպով  
պարզաբանել կոլտնտեսային լայն մասսա-  
ներին, մեքենա-տրակտորային վաճառների և  
նովխոփների աշխատողներին, մոլրիլիզաց-

— 5 —



նելով նրանց պարտիայի և կառավարության  
կողմից առաջադրվող խնդիրները անթերի  
կատարելու համար:

Ազիտացիոն աշխատանքի նման ուսանե-  
լի փորձ ունի Ալավերդու շրջանի «Զեյթուն»  
սովխոզի ազիտկոչեկտիվը, որը միշտ օգ-  
նում է ազիտատուներին ՍՄԿՊ Կենտկոմի  
Սեպտեմբերյան պլենումի որոշման մասին  
հետաքրքիր ու բովանդակալից զրույցներ  
կազմակերպելու ունկնդիրներին համար: Այս-  
տեղ մի շարք ազիտատուներ, ինչպես, օրի-  
նակ Վ. Հարովյունյանը, Բ. Վարդանյանը, Ն.  
Նամազովը, Հ. Կարապետյանը և ուրիշներ,  
օգտագործելով քաղաքական ազիտացիայի  
արդյունավետ ձևերից մեկը՝ զրույցը, սիս-  
տեմատիկաբար ունկնդիրներին պարզաբա-  
նում են ՍՍՌՄ գյուղատնտեսության հե-  
տագա զարգացման մասին ՍՄԿՊ Կենտկո-  
մի Սեպտեմբերյան պլենումի որոշումը և  
ներկրում հացահատիկի արտադրության հե-  
տագա ավելացման, խոպան ու խամ հողերի  
յուրացման մասին վերջերս ընդունված որո-  
շումը: Նրանք հանգամանորեն ունկնդիր-  
ներին մեկնաբանում են պարտիայի և կա-  
ռավարության այն խոշոր միջոցառումները,  
որ ընդունված են գյուղատնտեսության արագ  
վերելքն ու բազմակողմանի զարգացումն

— 6 —

ապահովելու համար: Միաժամանակ այդ  
զրույցների ժամանակ ելույթ են ունենում  
նաև ունկնդիրները, որով նպաստավոր  
պայմաններ է ստեղծվում ազիտացիոն  
նյութը ավելի պարզ ու մատչելի դարձնելու  
համար:

Քաղաքական սուր, ճշմարտացի ազիտա-  
ցիան միշտ էլ մեծ ուժ է եղել և օգնել է  
պարտիական ու սովետական կազմակեր-  
պովյուններին մոբիլիզացնելու աշխատա-  
վորության ուժերը ներկրի առջև դրված խն-  
դիրները ժամանակին և պատվով կատարելու  
համար: Ուստի անհրաժեշտ է, որ մեր ազի-  
տատուները ՍՄԿՊ Կենտկոմի Սեպտեմբեր-  
յան պլենումի որոշումը և գյուղատնտեսու-  
թյան զարգացման վերաբերյալ պարտիայի  
ու կառավարության մյուս որոշումները  
մասսայականացնեն սիստեմատիկաբար, ա-  
մեն օր և դիֆերենցված կերպով: Հարկավոր  
է այդ պատմական որոշումների կենսա-  
գործման նպատակին ամբողջությամբ ի  
սպաս դնել գյուղում կատարվող քաղաքա-  
կան աշխատանքը, հիշելով, որ քաղաքա-  
կան ազիտացիան պարտիական աշխատան-  
քի կարևորագույն մասն է, որ այն պետք է  
լինի գաղափարապես հազեցված, խորը,  
բազմակողմանի և նպաստակապալաց:



## ԷԿՈՆՈՄԻԿԱՅԻ ԵՎ ԱՇԽԱՏԱՎՈՐՆԵՐԻ ԲԱՐԵԿԵՑՈՒԹՅԱՆ ՎԵՐԵԼՔԻ ՈՒՂԻՈՎ

(Ժողովրդական դեմոկրատիայի եվրոպական  
երկրների 1953 թվականի ժողովրդա-  
տնտեսական պլանների կատարման  
արդյունքների շուրջը)

### Ի. ԴՈՒԴԻՆՍԿԻ

Ժողովրդա-դեմոկրատական հասարակա-  
կան և պետական կարգը ծավալեց աշխա-  
տավորների ստեղծագործական եռանդը, որ  
կաշկանդված էր կալվածատերերի ու կապի-  
տալիստների տիրապետության օրոք, զար-  
գացման լայն առաքարեզ բացեց արտադրո-  
ղական ուժերի համար: Ժողովրդական դե-  
մոկրատիայի երկրներում առցիալիստական  
արդյունաբերության տարեցտարի շարու-  
նակվող աճը, քաղաքի և գյուղի աշխատա-  
վորների կենսամակարդակի անընդհատ վե-  
րելը հետևանք է այն բանի, որ այդ երկր-  
ների էկոնոմիկան, Սովետական Միության

— 8 —

էկոնոմիկայի պես, զարգանում է հօգուտ  
հասարակության նյութական ու կուլտուրա-  
կան պահանջարկների առավել լրիվ բա-  
վարարման:

### ԱՐԴՅՈՒՆԱԲԵՐՍԿԱՆ ԶԱՐԳԱՑՄԱՆ ՎԵՐԸՆԹԱՅ ԳԻԾԸ

Միայն անցյալ տարի արդյունաբերական  
արտադրության ծավալը 1952 թվականի  
համեմատությամբ Լեհաստանում՝ ավելա-  
ցավ 17,5 տոկոսով, Չեխոսլովակիայում՝ 10,  
Հունգարիայում՝ 11,8, Ռումինիայում՝ 14,4,  
Բուլղարիայում՝ 12, Ալբանիայում՝ 22 տո-  
կոսով:

Նույն այդ ժամանակ կապիտալիստական  
երկրներում ուժեղանում էին հերթական տըն-  
տեսական ճգնաժամի նշանները: Բուրժուա-  
կան մամուլը այլևս չի կարող թաքցնել այն  
փաստերը, որ էկոնոմիկայի խաղաղ ճյուղե-  
րում ամենուրեք կծկվում է արտադրությու-  
նը, աճում է գործազրկությունը, ուժեղա-  
նում է ժողովրդական մասսաների առանց  
այն էլ սոսկալի աղքատությունը:

Ժողովրդական դեմոկրատիայի եվրոպա-  
կան երկրներում արդյունաբերական արտա-  
դրության ծավալը ներկայումս ավելի քան  
երեք անգամ գերազանցում է նախապա-

— 9 —



տերազմյան մակարդակը: Առանձնապես հաջողությամբ է զարգանում ծանր արդյունաբերությունը՝ ժողովրդական տնտեսության բոլոր ճյուղերի սոցիալիստական վերակառուցման հիմքը: Ազատագրված ժողովուրդներն իրենց անձնվեր աշխատանքով, Սովետական Միության եղբայրական օգնությամբ, կարողացան պատմական կարճ ժամանակամիջոցում վերացնել արդյունաբերական հետամնացությունը:

Ահա, օրինակ, Լեհաստանը: Կապիտալիստական կարգերի օրոք, արդյունաբերական արտադրության չափերով նա պրավում էր վերջին տեղերից մեկը Եվրոպայում: Ներկայումս արդյունաբերական զարգացման մակարդակով ժողովրդական Լեհաստանը Եվրոպայում բռնում է հինգերորդ տեղը, հասնելով մի այնպիսի Լեհերի, ինչպիսին է Իտալիան: Լեհաստանում ներկայումս բնակչության յուրաքանչյուր շնչին թողարկվում է համարյա այնքան արտադրանք, որքան Ֆրանսիայում:

Ժողովրդական դեմոկրատիայի երկրների մեծ մասն ունի իր ածխա-մետալուրգիական և էներգետիկ բազան, իր հայրենական մեքենաշինությունը: Ընդորո՞ւմ կարե՞նք է նշել հետևյալ հանգամանքը: Այդ երկրներից յու-

— 10 —

րաքանչյուրը զարգացնելով իր սոցիալիստական ինդուստրիան, հաշվի է առնում, որ ինքը նոր հասարակությունը կառուցում է ոչ թե միայնակ, այլ՝ Սովետական Միության և դեմոկրատական լազերի մյուս երկրների հետ տնտեսական սերտ համագործակցությամբ:

Վերջին տարիներս զգալի քանակությամբ դոմենյան և մարտենյան նոր հնոցների փորժարկումը Լեհաստանի աշխատավորներին հնարավորություն տվեց 1953 թվականին պողպատի ձուլումը հասցնելու 3,5 միլիոն տոննայի՝ նախապատերազմյան ամենալավ տարում ձուլված 1,4 միլիոն տոննայի դիմաց: Չեխոսլովակիայում անցյալ տարի արտադրվեց 4,3 միլիոն տոննա պողպատ, այսինքն՝ երկու անգամ շատ, քան 1937 թվականին: Անցյալ տարի առաջին անգամ սկսեց հայրենական պողպատ արտադրել Բուլղարիան, որտեղ շարք մտավ Վ. Ի. Լենինի անվան մետալուրգիական գործարանը:

Ժողովրդական դեմոկրատիայի երկրներում անընդհատ աճում է վառելիքի, հանքանյութի և արդյունաբերական այլ հումքի արտադրությունը: Պատերազմից առաջ, ամենալավ տարում Ռումինիայում նավթի հա-

— 11 —



նույթը շէր անցնում 8,6 միլիոն տոննայից: Ռումինիայի նավթագործները հետախուզութեան և հանույթի առաջավոր մեթոդների արմատավորման շնորհիվ 1953 թվականին երկրին տվեցին 9,3 միլիոն տոննա նավթ: Լեհական հանքագործները անցյալ տարի տվեցին 89 միլիոն տոննա ածուխ: Համեմատութեան համար հիշենք, որ 1938 թվականին Լեհաստանում արտադրվել է 38 միլիոն տոննա ածուխ:

Ժողովրդական դեմոկրատիայի երկրներում անշեղորեն աճում է էներգետիկ բազան: Անցած տարին նշանավորվեց մի շարք նոր էլեկտրակայանների գործարկումով՝ Հունգարիայում, Լեհաստանում, Բուլղարիայում, Ռումինիայում: 1953 թվականին Չեխոսլովակիայում, օրինակ, արտադրվեց 12,5 միլիարդ կիլովատ-ժամ էլեկտրաէներգիա, այսինքն՝ երեք անգամ շատ, քան արտադրվում էր բուրժուական կարգերի օրոք:

Ժողովրդական դեմոկրատիայի երկրներն այժմ ունեն զարգացած մեքենաշինական արդյունաբերություն: Օրինակ՝ Ռումինիան, որ անցյալում համարյա մեքենաներ չէր արտադրում, միայն անցյալ տարի կազմակերպեց ստորերկրյա էլեկտրաբարձրի, կոմպրեսորների, նավթային, տեքստիլ արդյու-

— 12 —

նաբերության համար և արդյունաբերության այլ ճյուղերի համար նոր տիպի սարքավորումների արտադրությունը: Ժողովրդական Ռումինիայում հաջողությամբ զարգանում է տրակտորների, առանցքակալների, զանազան դադգահենների, գյուղատնտեսական մեքենաների արտադրությունը: Լեհաստանի մեքենաշինարարները անցյալ տարի սկսեցին մեքենաների ու մեխանիզմների համարյա հարյուր նոր տիպերի սերիական արտադրությունը: Չեխոսլովակիայի աշխատավորները անցած հինգ տարում իրենց մեքենաշինության արտադրանքն ավելացրին մոտավորապես երեք և կես անգամ: 1953 թվականին շատ նոր մեքենաներ ու մեխանիզմներ սկսեցին արտադրել Հունգարիայի և Բուլղարիայի աշխատավորները:

Ժողովրդական դեմոկրատիայի երկրներում ծանր արդյունաբերության զարգացմանը ուղեկցում է ժողովրդական սպառման առարկաների արտադրության աճը: 1953 թվականին այդ երկրների թեթև և սննդի արդյունաբերությունը շատ ավելի արտադրանք տվեց, քան նախապատերազմյան շրջանում: Շարք են մտնում տեքստիլի նոր կտմբի-նատներ, կոշիկի ֆաբրիկաներ, անհրադարձ նաբերության ձեռնարկություններ:

— 13 —



## ԳՅՈՒՂԻ ԱՇԽԱՏԱՎՈՐՆԵՐԻ ՀԱՋՈՂՈՒԹՅՈՒՆՆԵՐԸ

Կոմունիստական և բանվորական պարտիաները, ժողովրդական իշխանությունը իրենց ջանքերն ուղղում են գյուղի արտադրողական ուժերի զարգացմանը, աշխատավոր գյուղացիության՝ սոցիալիզմի կառուցման գործում բանվոր դասակարգի այդ հավատարիմ դաշնակցի կյանքի պայմանների բարելավմանը: Ժողովրդական դեմոկրատիայի երկրներում ստեղծվել են հարյուրավոր մեքենա-տրակտորային կայաններ: 1953 թվականին միայն Լեհաստանում գործում էին 401 մեքենա-տրակտորային կայաններ, որտեղ երկրի դաշտերում աշխատում էին 45 հազար տրակտորներ (15 ուժանոցի փոխադրած): 1953 թվականին Չեխոսլովակիայում կային 255 մեքենա-տրակտորային կայաններ, որոնք գյուղատնտեսական կոոպերատիվներում կատարում էին բոլոր դաշտային աշխատանքների 44 տոկոսը: Երկրի գյուղատնտեսության մեջ տրակտորների թիվը հասնում էր մոտ 19 հազարի: Պատերազմից առաջ Բուլղարիայում, ինչպես հայտնի է, հողը մշակում էին արորով և անգամ՝ ձեռքի բրիչով: 1953 թվականին ռեսպուբլիկայի

— 14 —

դաշտերում աշխատում էին 14.985 տրակտոր և ավելի քան 1.700 կոմբայն:

Սեփական փորձով համոզվելով այն առավելությունների մեջ, որ ունեն խոշոր, կորեկտիվ տնտեսությունները մանր, անհատական տնտեսությունների նկատմամբ՝ աշխատավոր գյուղացիությունը ավելի ու ավելի վճռականորեն է կանգնում արտադրական միավորման ուղու վրա: Արդեն այժմ սոցիալիստական սեկտորը ամուրձիքներ է նվաճել գյուղատնտեսության մեջ: 1953 թվականին Բուլղարիայում կոոպերատիվ և պետական տնտեսությունները միավորում էին երկրի վարելահողերի ավելի քան 60 տոկոսը: Չեխոսլովակիայում երկրի գյուղերի 58 տոկոսն ունի արտադրական կոոպերատիվներ: Լեհաստանում սոցիալիստական սեկտորը (պետական տնտեսություններ և արտադրական կոոպերատիվներ) ընդգրկում է վարելահողերի մոտ 26 տոկոսը, Հունգարիայում՝ 32 տոկոսը:

Գյուղատնտեսական արտադրության մեքենայացումը, ժամանակակից ագրոտեխնիկայի կիրառումը հնարավորություն տվեցին զգալիորեն բարձրացնել հացահատիկային և տեխնիկական կուլտուրաների բերքա-

— 15 —



տվութիւնը, ավելացնել գյուղատնտեսական արտադրութեան միջերաւոյնը:

Ժողովրդական իշխանութիւնն առանձին հոգատարութիւն է ցուցաբերում, որպէսզի ուժեղացի գյուղացու շահագրգռվածութիւնը գյուղատնտեսութեան արդյունավետութեան բարձրացման գործում: Այդ նպատակով 1953 թվականին ժողովրդական դեմոկրատիայի երկրներում զգալիորեն իջեցվեցին գյուղացիների կողմից գյուղատնտեսական միջերկրների պարտադիր հանձնումների նորմաները, ավելացվեցին պետական միջոցաւ գները, զիջվեցին անհատական գյուղացիական տնտեսութեանների և գյուղատնտեսական արտադրական կոոպերատիւների պետութեանն ունեցած արտադրութիւնը: Այն միջոցառումները է՛լ ավելի են ամրապնդում բանվորների և գյուղացիների դաշինքը՝ ժողովրդա-դեմոկրատական կարգի անխախտ հիմքը:

### ԺՈՂՈՎՐԴԻ ԲԱՐՈՐՈՒԹՅԱՆ ՀԱՄԱՐ

Ի տարբերութիւն կապիտալիստական երկրների, որտեղ աղգային եկամտի վիժխարի մասը յուրացնում են ֆինանսական կապիտալի մի բոլոր մագնատներ, ժողովրդական դեմոկրատիայի երկրներում արա-

— 16 —

գորեն աճող աղգային եկամտի մոտ  $\frac{3}{4}$ -ը հատկացվում է աշխատավորների նյութական ու հոգևոր պահանջմունքների բավարարմանը: Աղգային եկամտի մնացած մասը օգտագործվում է արտադրութեան ընդլայնման և հասարակական ու պետական այլ կարիքների համար: Ժողովրդական դեմոկրատիայի երկրներում վաղուց վերացված է գործազրկութիւնը: Այնտեղ չկան այլևս քաղցած ու անօթեման մարդիկ՝ քաղաքներում, «ավելորդ» մարդիկ՝ գյուղերում: Յուրաքանչյուր ոք վայելում է աշխատանքի, հանգստի և կրթութեան՝ ոեւալ կերպով ապահովված իրավունք:

Ժողովրդական դեմոկրատիայի երկրների բնակչութիւնը ներկայումս զգալիորեն ավելի շատ արդյունաբերական և պարենային ապրանքներ է գնում, քան նախապատերազմյան շրջանում:

Կոմունիստական և բանվորական պարտիաները, ժողովրդական իշխանութիւնը լուրջ միջոցառումներ են նշել գյուղատնտեսութեան, սննդի և թեթև արդյունաբերութեան ավելի արագ զարգացման համար:

Ժողովրդական դեմոկրատիայի երկրների արդյունաբերական զարգացման ներկա մակարդակը այդ երկրներին հնարավորութիւն

— 17 —

4647-54





է տալիս հզոր տեխնիկական բազա ստեղծել ժողովրդական տնտեսության բոլոր ճյուղերի համար: Դրանով իսկ ապահովվում է ժողովրդի բարեկեցության արագ վերելքի այն վիթխարի ծրագրի կենսագործումը, որ մշակել են կոմունիստական և բանվորական պարտիաները: Այդ ծրագիրը, որ այժմ մեծ խանդավառությամբ կենսագործվում է աշխատավորների կողմից, նախատեսում է առաջին հերթին կարգավորել կապիտալ ներդրումները և ապահովել գյուղատնտեսության, թեթև ու սննդի արդյունաբերության արագ զարգացումը: Էական շափով ավելացվում են բնակարանային շինարարության համար կատարվող կապիտալ ներդրումները:

Ժողովրդական իշխանությունը առանձնահատուկ հրգատարություն է ցուցաբերում, որպեսզի զգալիորեն բարելավվի աշխատավոր գյուղացիների նյութական դրությունը, ավելի նպաստալոր պայմաններ ստեղծի նրանց համար՝ իրենց տնտեսությունը բարձրացնելու, գյուղատնտեսական արտադրությունը զարգացնելու գործում:

Կոմունիստական և բանվորական պարտիաների, ժողովրդական իշխանության քաղաքականությունը ամենաազնիւմ պաշտպանություն է գտնում աշխատավորների բոլոր խա-

— 18 —

վերի կողմից: Ժողովրդի բարեկեցության աճման մշակված ծրագրի կենսագործումը է՛լ ավելի կամրապնդի պետական կարգն այդ երկրներում:

Միասնական ու հզոր սոցիալիստական լագերի ժողովուրդների խղրաչրական ընտանիքը վստահությամբ է նայում իր ապագային: Վաճառ օրը անդամ ժողովուրդներին կրքերի նոր հաղթանակներ առատության ու քրջանկության համար, ամբողջ աշխարհի խաղաղության համար մղվող պայքարում:

=====



# ԱԳԻՏԱՏՈՐԻ ԶՐՈՒՅՑԸ ԱՇԽԱՏԱՆՔԻ ԱՐՏԱԴՐՈՂԱԿԱՆՈՒԹՅՈՒՆԸ ԲԱՐՁՐԱՑՆԵԼՈՒ ՄԱՍԻՆ

Ա. ԱՎԵՏԻՍՅԱՆ

Երևանի մահուդի ֆաբրիկայի մանող ցեխում աշխույժ և հետաքրքիր են անցնում ագիտացիոն զրույցները: Այստեղ ագիտատոր է ինժեներ Հ. Սարգսյանը: Նա ագիտացիոն զրույցների ընթացքում խելացի ու մտածված կերպով է օգտագործում տեղական փաստերը, թվերը և մանավանդ շատ հաջող կերպով բացատրում է առանձին բանվորների՝ ցեխի, ֆաբրիկայի առջև դրված կոնկրետ խնդիրներն ու նշում այդ խնդիրներն անթերի կատարելու միջոցները:

Ահա աշխատանքի արտադրողականության բարձրացման մասին վերջերս նրա անցկացրած զրույցի համառոտ բովանդակությունը: Ագիտատորն ունկնդիրներին հանգամանորեն պարզաբանում է, որ Կոմունիստական պարտիան խոշոր նշանակություն է տալիս աշ-

— 20 —

խատանքի արտադրողականության բարձրացմանը, որպես կարևորագույն միջոց սոցիալիզմից աստիճանաբար Կոմունիզմին անցնելու գործում:

— Աշխատանքի արտադրողականության բարձրացումը, — ասաց նա, — սոցիալիստական արտադրության զարգացման կարևորագույն լծակներից մեկն է: Մեր երկրի աշխատավորները, լայնորեն օգտագործելով հայրենական առաջավոր տեխնիկան, ծավալելով համաժողովրդական ստեղծարար սոցիալիստական մրցություն, անընդհատ բարձրացնելով իրենց տեխնիկական ու կուլտուրական մակարդակը և արմատավորելով աշխատանքի առաջավոր մեթոդներ, աշխատանքի արտադրողականության բարձրացման գործում ձեռք են բերել մեծ հաջողություններ: Բավական է նշել, որ 1940 թվականից մինչև 1951 թվականը ՍՍՌՄ-ում աշխատանքի արտադրողականությունն արդյունաբերության մեջ աճել է 50 տոկոսով, ընդ որում արդյունաբերական արտադրանքի 70 տոկոսը ստացվել է ի հաշիվ աշխատանքի արտադրողականության բարձրացման:

Ընկեր Գ. Մ. Մալենկովը պարտիայի 19-րդ համագումարին տված իր հաշվետու զեկուցման մեջ նշեց, որ «ՍՍՌՄ-ում աշխատանքի



արտադրողականության արագ աճը ամենից առաջ ժողովրդական տնտեսության մեջ նոր տեխնիկայի և առաջավոր տեխնոլոգիական պրոցեսների լայն արմատավորման արդյունք է, արտադրության մեքենայացման և էլեկտրիֆիկացման, հատկապես աշխատատար և ծանր աշխատանքների մեքենայացման արդյունք, ինչպես նաև աշխատանքի լավագույն կազմակերպման, աշխատավորների հանրակրթական և կուլտուրական մակարդակի աճի ու նրանց արտադրական որակավորման բարձրացման արդյունք»:

Անսահմանափակ է մեր երկրում աշխատանքի արտադրողականության բարձրացման հնարավորությունը, — ասում է ագիտատորը: Մեզ մոտ բանվորներն անմիջականորեն շահագրգռված են աշխատանքի արտադրողականության բարձրացմամբ, որովհետև դրանով աճում է մեր ժողովրդական տնտեսությունը, ամրապնդվում է մեր Հայրենիքի հզորությունը, բարձրանում է հենց իրենց, աշխատավորների կենսամակարդակը:

Այնուհետև ագիտատորը հանգամանորեն սլառմեց, թե իրենց ֆաբրիկայի կոլեկտիվը ինչպես է կենսագործում ՍՍՌՄ զարգացման 1951—55 թվականների հինգերորդ հնգամյա

— 22 —

պլանի վերաբերյալ ՍՍԿՊ 19-րդ համագումարի դիրեկտիվները:

— Մեր ֆաբրիկան, — ասաց ագիտատորը, — անընդհատ հագեցվում է նորագույն մեքենաներով ու սարքավորումներով, արտադրության աշխատատար պրոցեսները և հատկապես ծանր աշխատանքները մեքենայացվում են: Վերջին մեկ տարվա ընթացքում ֆաբրիկայում ստացվել և տեղադրվել են բուրդ սանրող, գործող դազգահներ, բրդի կարբոնիզացիայի հարմարանքներ և այլն, որոնց ռացիոնալ օգտագործման շնորհիվ աճել է արտադրանքի թողարկումը, բարձրացել աշխատանքի արտադրողականությունը:

Անցյալ տարվա 11 ամիսների ընթացքում ֆաբրիկայում աշխատանքի արտադրողականությունը բարձրացել է մանարանում՝ 7,1 տոկոսով, գործվածքային ցեխում՝ 11,6 տոկոսով: Նույն ժամանակաշրջանում սարքավորումների արտադրողականությունը մանարանում բարձրացել է 2,7 տոկոսով, իսկ գործվածքային ցեխում՝ 3,1 տոկոսով:

Ֆաբրիկան նորագույն տեխնիկայով հագեցնելու հետ միասին՝ անընդհատ բարելավվում և կատարելագործվում են նրա տեխնոլոգիական պրոցեսները: Արտադրության նորարարները իրենց համարձակ նա-

— 23 —



խածեռնություններով և խելացի առաջարկություններով նպաստում են աշխատանքի արտադրողականության բարձրացմանը: Օրինակ, ինչպես գիտեք, դիմում է ագիտատորը ունկնդիրներին, մեր ցեխի մանող մեքենայի բաքիտը կարելի էր փոխել միայն մեքենան կանգնեցնելուց հետո, որը բացասաբար էր ազդում աշխատանքի արտադրողականության բարձրացման վրա: Ցեխի ավագ վարպետ Մ. Բարսեղյանը երկար ուսումնասիրելուց հետո առաջարկեց բաքիտը փոխել մեքենան աշխատելու ժամանակ, առանց այն կանգնեցնելու: Գործարանի գիտական խորհուրդը քննության արժանի և ընդունեց նորարար Բարսեղյանի այդ առաջարկը, որպես արժեքավոր նորարարություն, որի կիրառման շնորհիվ մեր ցեխի աշխատանքի արտադրողականությունը բարձրացել է 12 տոկոսով: Կամ, երբ գործող մեքենայի ասպը կտրվում էր, մեքենան շարունակում էր դարձյալ աշխատել, որի սլաքաձողով ստացվում էր խոտան արտադրանք: Նորարար Բերբերյանը պատրաստեց այնպիսի մի հարմարանք, որի շնորհիվ ասպը կտրվելուն պես մեքենան կանգ է առնում, և կանխվում է խոտանը: Այդ առաջարկի կիրառման շնորհիվ գործող ցեխում բարձրացել է

— 24 —

աշխատանքի արտադրողականությունը և գործվածքի որակը:

Աշխատանքի արտադրողականության բարձրացման գործում վճռական նշանակություն ունի սոցիալիստական մրցությունը: Սոցիալիստական մրցության շնորհիվ մեր ցեխը տարեկան պլանը, ինչպես գիտեք, իր բոլոր ցուցանիշներով կատարեց դեկտեմբերի 2-ին, հարազատ երկրին պլանից դուրս տալով 29.900 կիլոգրամ թել: Առաջին տեսակի արտադրանքը կազմում է 95 տոկոս: Այժմ մենք պետք է է՛լ ավելի ծավալենք սոցիալիստական մրցությունը, բարձրացնենք աշխատանքի արտադրողականությունը և մեր ձեռքում ամուր պահենք ֆաբրիկայի միջցեխային փոխանցիկ դրոշը:

Ագիտատորն ունկնդիրներին տեղյակ պահելով, թե ով ինչպես է կատարում ստանձնած պարտավորությունը, միաժամանակ նրանց պատմում է եղբայրական Ադրբեջանի կիրովաբադ քաղաքի մահուդի ֆաբրիկայի կոլեկտիվի հետ ծավալված սոցմրցության արդյունքների մասին:

Սոցիալիստական մրցությամբ ստանձնած պարտավորությունների ճիշտ կատարման, տեխնիկական սարքավորումների, հատկա-

— 25 —



պէս գործվածքային դազգահների աշխատանքի արտադրողականութիւնը բարձրացնելու, սարքավորումների համար նախատեսված հիմնական և ընթացիկ նորոգումների ժամկետները կրճատելու շնորհիվ, — ասում է ագիտատորը, — Ֆաբրիկան 1953 թվականին համախառն արտադրանքի պլանը կատարեց ժամկետից 3 ամիս առաջ, պլանից դուրս երկրին տալով 11,5 միլիոն ռուբլու արտադրանք, ինքնարժեքը նախատեսված 0,83 տոկոսի փոխարեն իջեցրեց 1,8 տոկոսով, որի շնորհիվ Ֆաբրիկան 4 միլիոն ռուբլու արտապլանային կուտակում ունեցավ և միաժամանակ տնտեսեց 16 տոննա թել:

Աշխատանքի արտադրողականության բարձրացման մյուս միջոցը, շարունակում է ագիտատոր Սարգսյանը, — դա բանվորների հանրակրթական, արտադրական-տեխնիկական պատրաստության և կուլտուրական մակարդակի բարձրացումն է: Մեր Ֆաբրիկայի դազգահների, մեխանիզմների հզորութիւնը լրիվ օգտագործելու համար մենք պետք է լավ տիրապետենք տեխնիկային: Սակայն այդ բնագավառում մեզ մոտ կան լուրջ թերութիւններ: Ֆաբրիկայի բանվորներից շատերը դեռևս շունեն տեխնիկական անհրաժեշտ որակավորում և լրիվ միջնա-

— 26 —

կարգ կրթութիւն: Այժմ խնդիրն այն է, որ բոլորս ընդգրկվենք կադմակերպված տեխնիկայի ուսուցման խմբակներում, համառ և քրտնաջան ուսման միջոցով բարձրացնենք մեր տեխնիկական գիտելիքները, արմատավորենք աշխատանքի առաջավոր փորձը, տիրապետենք ժամանակակից առաջավոր տեխնիկային և այն օգտագործենք արդյունավետ կերպով:

Աշխատանքի արտադրողականութիւնը բարձրացնելու գործում մեծ դեր է խաղում նաև աշխատանքային ու արտադրական կարգապահութիւնը: Բարձր կարգապահութիւնն արտադրութեան անընդհատ աճի, ինչպես նաև արտադրանքի որակի բարձրացման, ինքնարժեքի իջեցման պայմաններից մեկն է:

Սակայն ցեխի որոշ աշխատողներ դեռևս խախտում են աշխատանքային կարգապահութիւնը, որը խիստ բացասաբար է անդրադառնում աշխատանքի արտադրողականութիւնը բարձրացնելու վրա:

Զրույցի վերջում ագիտատորը նշեց մի շարք միջոցառումներ, նկատված թերութիւններն արագ կերպով լիկվիդացնելու համար:



ՏՐԱԿՏՈՐԱՅԻՆ ԲՐԻԳԱԴԱՆ ՊԱՏՐԱՍՏ Է  
ԳԱՐՆԱՆԱՑԱՆԻՆ

## Գ. ՄՈՎՍԻՍՅԱՆ

Հոկտեմբերյանի շրջանի հեռակետային  
ՄՏԿ-ի № 6 տրակտորային բրիգադայի  
բրիգադիր

Երկրում հացահատիկի արտադրության  
հետագա ավելացման և խոպան ու խամ հո-  
ղերի յուրացման մասին ՄՄԿՊ Կենտկոմի  
վերջերս տեղի ունեցած պլենումը ցուցում  
տվեց՝ ՄՏԿ-ների աշխատանքը գնահատելիս  
հլնել ամենից առաջ բերքատվության պե-  
տական առաջադրանքի կատարումից, որ  
բերքը պետք է դառնա ՄՏԿ-ի աշխատանքի  
որակի գլխավոր չափանիշը:

Այդ միանգամայն ճիշտ և մոբիլիզացնող  
պահանջը վերաբերում է բոլոր մեխանիզա-  
տորներին, որովհետև գյուղատնտեսության  
հետագա վերելքի գործում գլխավոր և վրճ-  
ռական դերը պատկանում է մեքենա-տրակ-  
տորային կայաններին:

Կատարելով հարազատ Կոմունիստական  
պարտիայի այդ պահանջը, մեր բրիգադան

— 28 —

անում է ամեն բան, որպեսզի իր սպասար-  
կած Արմավիր գյուղի Ա. Ժդանովի անվան  
կոլտնտեսությունը առաջիկա տարում բարձր  
քերք ստանա մշակվող բոլոր կուլտուրանե-  
րից:

Այժմ բրիգադան լրիվ պատրաստ է գար-  
նան գյուղատնտեսական աշխատանքներն  
սկսելու համար: Վերանորոգված են «Ստալի-  
նեց—80», ԴՏ—54, ՆԱՏ-ի և երեք ունի-  
վերսալ նիստեմի տրակտորները, բամբակա-  
հավաք 2 մեքենա: Բացի այդ, տրակտորա-  
յին բրիգադան արդեն նորոգել և պատրաստ  
են 3 բամբակի և 1 հացահատիկի շարքա-  
ցան մեքենա, 5 խոփանոց 4 հզոր գութան-  
ներ, 3 չիզել (հողը փխրեցնող գործիք), 1  
խոտհար մեքենա, 3 կուլտիվատոր, 2 պա-  
րարտացնող-սնուցող մեքենա և բազմաթիվ  
այլ գործիքներ ու մեքենաներ:

Այս թվերը ցույց են տալիս, որ մեր բրի-  
գադան համառ և լարված աշխատանք է կա-  
տարել գարնանացանին նախապատրաստ-  
ված դիմավորելու համար: Տրակտորների և  
գյուղգործիքների վերանորոգման աշխա-  
տանքներն սկսելու հենց սկզբի օրերից մեր  
բրիգադան սոցիալիստական մրցության մեջ  
մտավ 8-րդ տրակտորային բրիգադայի  
հետ:



Օրերս մեր տրակտորային բրիգադայի արտադրական խորհրդակցությունում քըն-նության առնվեց գյուղատնտեսական բոլոր կուլտուրաներից բարձր բերք ստանալու հարցը, որտեղ տրակտորիզացիաները նոր պար-տավորություններ ստանձնեցին բամբակի, հացահատիկի և մյուս կուլտուրաների մշա-կությունը բարելավելու և առավել բարձր բերք նվաճելու վերաբերյալ: «Ստալինեց—80» թրթուրավոր հզոր տրակտորի առաջին հերթափոխի տրակտորիստ Ս. Միսոնյանն ասաց.

— Մեր տրակտորային բրիգադան անցյալ տարի վատ չաշխատեց, մեր բրիգադայի կողմից սպասարկվող կուլտնտեսության դաշ-տերի բերքատվությունը զգալի չափով բարձ-րացավ: Կուլտնտեսության միայն դրամական եկամուտը նախորդ տարվա համեմատու-թյամբ ավելացավ մոտ 3 միլիոն դոլարով, միաժամանակ տնտեսեցինք 5 տոննա վառե-լանյութ և այլն: Բայց պարտիայի Կենտրո-նական Կոմիտեի Սեպտեմբերյան և Օրերս տեղի ունեցած պլենումների պատմական ո-րոշումները մեզանից պահանջում են կրթի-նապատել մեր ուժերը և ստանալ առավել բարձր բերք: Այս պատասխանատու խնդրի իրականացման համար ես առաջարկում եմ

— 30 —

փոխադարձաբար օգնել Արմավիրի դաշտա-վարական բրիգադաներին՝ ցանքի աշխա-տանքները ժամանակին և բարձր որակով կատարելու համար: Ես պարտավորվում եմ ապահովել իմ տրակտորի և ինձ հանձնա-րարված մյուս գյուղգործիքների անխափտ և գերազանց որակի աշխատանքը:

Նույնանման պարտավորություններ ըս-տանձնեցին տրակտորիստներ Ն. Գրիգոր-յանը, Ա. Կնյազյանը, Ն. Մկրտչյանը, Հ. Միրզոյանը, Ա. Մեդիկյանը և շատերը, ո-րոնց թիվը հասնում է 17-ի:

Գործարար սոցիալիստական մրցության յուրաքանչյուր օրը նոր հաջողությունների հասցրեց տրակտորային բրիգադայի աշխա-տողներին: Նրանք ժամկետից 20 օր շուտ՝ դեռ փետրվարի 10-ին ավարտեցին ինչպես տրակտորների, այնպես էլ գյուղատնտեսա-կան մյուս գործիքների վերանորոգումը: Երբ պետական ընդունող հանձնաժողովն ստու-գում էր տրակտորների նորոգման վիճակը, արձանագրեց՝ «Վերանորոգումները կա-տարված են գերազանց որակով», որ բրի-գադայի անձնակազմը աշխատել է շատ լավ:

ՄՏ կայանի դիրեկցիան, պարտիական ու պրոֆմիութենական կազմակերպությունները քննության ենթարկեցին սոցիալիստական



մրցության ընթացքը ՄՏ կայանի տրակտորային բրիգադաներում և որոշեցին միջբրիգադային փոխանցիկ դրոշը, որը 1952 թվականից գտնվում էր տրակտորային 6-րդ բրիգադայի մեխանիզատորների մոտ, դարձյալ թողնել նրանց:

Իրենց լավագույն աշխատանքի համար մեր բրիգադայից 6 հոգի արժանացել են պատվոտախտակի, իսկ 2. Միրզոյանի և Ա. Մեդիկյանի անունները գրանցված են ՄՏԿ-ի պատվոգրքում:

Մի քանի օր առաջ, մեր բրիգադան ստացավ ՌՍՍ—6 տիպի նոր սածիլ տնկող տրակտորաքարշ մեքենա, որը կատարելու է տասնյակ կոլտնտեսականների աշխատանք: Բոլոր տրակտորիստներն արդեն ծանոթացել են այդ մեքենայի հետ, ուսումնասիրել են նրա առավելությունները և այդ մասին պատմել Արմավիրի կոլտնտեսականներին:

Մեր բրիգադան այս տարի Արմավիրի կոլտնտեսականների հետ միասին մշակելու է 286 հեկտար բամբակենու, 30 հեկտար խորդենու պլանտացիա, 42 հեկտար բոստան-բանջարանոցային կուլտուրաների, 90 հեկտար առվույտի, 220 հեկտար հացահատիկի ցանք և ավելի քան 150 հեկտար խաղողի ու պտղատու այգիների միջտարածություններ:

— 32 —

Շուտով տրակտորային բրիգադան սկսելու է գարնան-դաշտային աշխատանքները: Արդեն կոլտնտեսականները սկսել են վարի համար նախապատրաստել դաշտերը, նրանք հավաքում են բամբակենու ցողունները, դաշտ են տեղափոխում հանքային ու տեղական պարարտանյութեր, վերանորոգում են ճանապարհներն ու կամուրջները: Մի քանի օրից հետո տրակտորային բրիգադայի տրակտորիստները դաշտ դուրս կգան վարելու և ցանելու գարնանացան կուլտուրաների առաջին սերմերը:

Տրակտորային բրիգադան, որը սոցիալիստական մրցության նոր պայմանագիր է կնքել Մրգաշատ գյուղում աշխատող նույն ՄՏ կայանի տրակտորային 8-րդ բրիգադայի աշխատողների հետ, պարտավորվել է 1954 թվականին բամբակի յուրաքանչյուր հեկտարի բերքատվությունը հասցնել 30 ցենտների, զգալի չափով գերակատարել նաև մյուս կուլտուրաների և հատկապես բանջարա-բոստանային կուլտուրաների բերքատվության պլանները: Բոլոր ջանքերը գործադրել պարտիայի և կառավարության կողմից ընդունված պատմական որոշումները անթերի կատարելու, գյուղատնտեսական կուլտուրաների բերքատվության գործում շեշտակի վերելք ստեղծելու համար:



## ԶՈՐԱ ՏԵՐՈՒԹՅՈՒՆՆԵՐԻ ԱՐՏԱՔԻՆ ԳՈՐԾԵՐԻ ՄԻՆԻՍՏՐՆԵՐԻ ԲԵՌԼԻՆԻ ԽՈՐՀՐԴԱԿՑՈՒԹՅՈՒՆԸ

Մի խումբ բնրեցողներ դիմել են խմբագրությանը հետևյալ հարցով. «Ինչ կատարվեց Բեռլինի խորհրդակցությունում»: Տպագրում ենք պատասխան այդ հարցին:

Զորս տեղակայությունների՝ Սովետական Միության, Անգլիայի, ԱՄՆ-ի և Ֆրանսիայի արտաքին գործերի մինիստրների Բեռլինի խորհրդակցությունը, որը տևել է 1954 թվականի հունվարի 25-ին և ավարտվեց փետրվարի 18-ին, Սովետական Միության առաջարկությամբ ընդունեց հետևյալ օրակարգը.

1. Միջազգային հարաբերությունների լարվածությունը նվազեցնելու միջոցառումների և Ֆրանսիայի, Անգլիայի, ԱՄՆ-ի, Սովետական Միության ու Զինական Ժողովրդական Ռեսպուբլիկայի արտաքին գործերի մինիստրների խորհրդակցություն հրավիրելու մասին.

— 34 —

2. Գերմանիայի հարցը և Եվրոպայի անվտանգությունն ապահովելու խնդիրները.

3. Ավստրիական պետական պայմանագրի մասին.

Խորհրդակցությունը ամենից ավելի մեծ ուշադրություն նվիրեց գերմանական հարցին, որը հետպատերազմյան չլուծված միջազգային պրոբլեմներից գլխավորն է: Այս հարցի քննարկումը նպաստեց խորհրդակցությունում ներկայացված երկրների ղեկավարների ավելի ճիշտ ըմբռնմանը:

Խորհրդակցությունը ցույց տվեց, որ Սովետական Միությունը շարունակում է մնալ այն տիրքում, որ Եվրոպայում փաղաղության ու անվտանգության ապահովման խնդիրները պահանջում են չթուլատրել գերմանական միլիտարիզմի վերածնունդը: ԱՄՆ-ի այդ դիրքը լիովին համապատասխանում է պատերազմի ընթացքում և նրանից հետո մեծ տեղակայությունների միջև գերմանական հարցի վերաբերյալ կնքված համաձայնագրերին: Եթե արևմտյան երեք տեղակայությունները համաձայնեին, որ գերմանական միլիտարիզմի վերականգնումը անթույլատրելի է, հնարավոր փոխներ գերմանական պրոբլեմին վերաբերող մնացած հարցերը հեշտորեն լուծել: Սակայն քանն այն է, որ

— 35 —



ԱՄՆ-ի, Անգլիայի և Ֆրանսիայի կառավարությունները կանգնել են ճիշտ հակառակ ուղու վրա և ի խախտումն իրենց ստանձնած միջազգային պարտավորությունների, վերածնում են Արևմտյան Գերմանիայի գինված ուժերը՝ պատերազմի վտանգ ստեղծելով Եվրոպայում և՛ ոչ միայն Եվրոպայում:

Բեռլինի խորհրդակցությունը ցույց տվեց, որ արևմտյան տերությունները կամենում են «օրինականացնել» Բոննի և Փարիզի համաձայնագրերը, որպիսիք նրանք կնքել են 1952 թվականի մայիսին: Իսկ ինչպես հայտնի է, Փարիզի պայմանագիրը կնքվել է եվրոպական վեց պետությունների միջև այսպես կոչված «Եվրոպական պաշտպանական միավորում» անվան տակ և որի ուժով կազմակերպվում է «Եվրոպական բանակ»՝ Ֆրանսիայի, Իտալիայի, Բելգիայի, Հոլանդիայի, Լյուքսեմբուրգի և Արևմտյան Գերմանիայի գինված ուժերից:

«Եվրոպական բանակ» ստեղծելու ամերիկա-անգլիական պլանը, որին հնազանդաբար ենթարկվում է Ֆրանսիայի այժմյան կառավարությունը, ոչ այլ ինչ է, քան գերմանական միլիտարիզմի վերականգնման լեզայացում, որն իր սուր ծայրով ուղղված է ՍՍՌՄ-ի և ժողովրդա-դեմոկրատական եր-

— 36 —

կրրների, ինչպես նաև Գերմանիայի հարևան մյուս երկրների դեմ:

Բոննի պայմանագրով, որը կնքվել է ԱՄՆ-ի, Անգլիայի, Ֆրանսիայի և Արևմտյան Գերմանիայի միջև, Արևմտյան Գերմանիան տաննյակ տարիներով դրվում է ամերիկա-անգլիական բլոկի տնօրինության տակ, որպես ռազմադաշտ ընդդեմ ՍՍՌՄ-ի և ժողովրդա-դեմոկրատական պետությունների: Ըստ արևմտյան երեք տերությունների հաշիվների վերականգնված Գերմանիան պետք է մտնի «Եվրոպական պաշտպանական միավորման» մեջ և Բոննի պայմանագրի ուժով էլ պետք է ծառայի ամերիկյան խմբերի լիզմի քացահայտ ագրեսիվ նպատակներին:

Գերմանիայի միասնության վերականգնման հարցը քննարկելիս, ԱՄՆ-ի, Անգլիայի և Ֆրանսիայի ներկայացուցիչները ձգտում էին իրենց դիրքը փաթավթել սովետական դեկադացիային և Գերմանիայի միավորումը վերածել Արևմտյան Գերմանիայում հաստատված ռեանշիստների ռեակցիոն ռեժիմը առանց այլևայլության Արևելյան Գերմանիային պարտադրելուն, կոպիտ կերպով անտեսելով գերմանական ժողովրդի շահերը:

Իդենը, Դալլեսը և Բիդոն առաջարկում էին Գերմանիայում անցկացնել «ազատ

— 37 —



ընտրություններ», այդ պարթը հանձնելով օկուպացիոն իշխանություններին:

Նրանք հրաժարվեցին Գերմանիայում ընտրություններ անցկացնելը Գերմանիային թողնելու, ինչպես նաև մինչև համագերմանական ընտրությունները Գերմանիայից բոլոր օկուպացիոն զորքերը, բացառությամբ խիստ սահմանափակ կոնստինդենտի, դուրս հանելու սովետական առաջարկությունը ընդունելուց:

ԱՄՆ-ը, Անգլիան և Ֆրանսիան հրաժարվեցին քննարկել Գերմանիայի երկու մասերի՝ պատերազմի հետևանքների հետ կապված ֆինանսատնտեսական պարտավորությունները թեթևացնելու մասին սովետական առաջարկությունները, պիտենալով, որ խոսքը վերաբերում է այդ միջոցառումը Արևմտյան Գերմանիայի նկատմամբ վիրառելուն, քանի որ Արևելյան Գերմանիայի նկատմամբ այն արդեն իրականացված է ՍՍՌՄ-ի կողմից:

Հենց նրա համար, որ ԱՄՆ-ը, Անգլիան և Ֆրանսիան չեն ցանկանում հրաժարվել գերմանական միլիտարիզմի վերածնման պլանից, բացառում են Արևմտյան և Արևելյան Գերմանիան միասնական դեմոկրատական պետության մեջ միավորելու բուն հնարավորությունը՝ հրաժարվեցին համաձայնվել

խաղաղության և գերմանական ժողովրդի շահերից բխող սովետական գեղեզացիայի կոնստրուկտիվ առաջարկությունները ընդունել:

ԱՄՆ-ի, Անգլիայի և Ֆրանսիայի ներկայացուցիչները չընդունեցին սովետական առաջարկությունը՝ լսելու գերմանական ժողովրդի ներկայացուցիչներին, փմանալու թե ինչ է մտածում գերմանական ժողովուրդը Գերմանիայի վերամիավորման խնդիրների մասին: Նման մոտեցումը հարցին, ինքնին խոսում է այն մասին, որ գերմանական հարցով լրջորեն դրադվելը չէր մտնում Արևմտյան երեք տերությունների հաշիվների մեջ:

Չներկայացնելով հաշտության պայմանագրի փրենց նախագիծը, ԱՄՆ-ի, Անգլիայի և Ֆրանսիայի արտաքին գործերի մինիստրները հրաժարվեցին քննարկել Գերմանիայի հետ կնքվելիք հաշտության պայմանագրի սովետական նախագիծը: Դրա հետ մեկտեղ նրանք հրաժարվեցին քննարկել Արևելյան և Արևմտյան Գերմանիայի պառլամենտների ներկայացուցիչներից համագերմանական ժամանակավոր կառավարություն կազմելու հարցը, ինչպես նաև Գերմանիայի երկու մասերի միջև տնտեսական և ազմինիստրա-

տիվ կապերի քարելավման և գերմանական ազգային կուլտուրայի զարգացման համար պայմանները հեշտացնելու հարցերի գծով համագերմանական կոմիտեներ ստեղծելու սովետական առաջարկը: ԱՄՆ-ը, Անգլիան և Ֆրանսիան հրաժարվեցին Գերմանիայի երկու մասերի մերձեցման ուղղությամբ որևէ պրակտիկ քայլի դիմելու:

Ավստրիական պետական պայմանագրի հարցը քննարկելիս սովետական դելեգացիան առաջարկեց, որպեսզի Ավստրիան իր վրա պարտավորվելու վերցնի չմասնակցել որևէ ռազմական խմբավորման՝ ուղղված այն պետություններից մեկն ու մեկի դեմ, որոնք մասնակցել են հիտլերիզմի դեմ մղված պատերազմին և Ավստրիայի ազատագրմանը և Ավստրիայի տերիտորիան չըտրամադրվի օտարերկրյա ռազմական բազաներ կառուցելու համար: Ավստրիական հարցի վերաբերյալ սովետական մյուս առաջարկությունն այն է, որպեսզի մինչև Գերմանիայի հետ հաշտության պայմանագիր կնքելը Ավստրիայի տերիտորիայում մնան օտարերկրյա՝ չորս պետությունների զորամասերը, Ավստրիայից այդ զորամասերի դուրս բերման հարցը ոչ ուշ, քան 1955 թվականին նորից քննարկվելու պայմանով:

— 40 —

Սովետական դելեգացիան այդ առաջարկություններն արեց նշելով «Եվրոպական պաշտպանական միավորում» ստեղծելու վերաբերյալ Փարիզի համաձայնագրի ստորագրման, Արևմտյան Գերմանիայի վերառազմականացման աճող տպառնալիքի և Ավստրիան ադենաուերյան ռևանշիստների կողմից անշլյուսի ննթարկելու վտանգի փաստից: Սակայն ԱՄՆ-ի, Անգլիայի և Ֆրանսիայի ներկայացուցիչները հրաժարվեցին ընդունել նաև սովետական այդ միանգամայն արդարացի առաջարկությունները:

Այսպիսով, Արևմտյան երեք տերությունների գրաված դիրքը անհնարին դարձրեց Բեռլինի խորհրդակցությունում լուծել ինչպես գերմանական, այնպես էլ ավստրիական պրոբլեմի հետ կապված հրատապ խնդիրները:

Եվրոպական պետությունների ռազմական խմբավորումներ՝ ստեղծելու պլաններին Բեռլինի խորհրդակցությունում Սովետական Միությունը հակադրեց Եվրոպայի բոլոր երկրների կողեկտիվ անվտանգությունն ապահովող իր քաղաքականությունը: Սովետական Միությունը մտցրեց Եվրոպայի անվտանգության վերաբերյալ իր առաջարկները և համաեվրոպական պայմանագրի նախա-



գիծ, որոնց ընդունումը կհանգեցնի Գերմանիայի շեղոքացմանը և նվթարայի բոլոր երկրների համագործակցությանը՝ անկախ նրանց հասարակական կարգի տարբերություններից: Սովետական այս առաջարկությունները ևս մերժվեցին ԱՄՆ-ի, Անգլիայի և Ֆրանսիայի արտաքին գործերի մինիստրների կողմից:

Քննարկելով միջադրության լարվածությունը նվազեցնելու միջոցառումների հարցը, չորս երկրների արտաքին գործերի մինիստրները համաձայնության եկան, որ կորեական հարցի խաղաղ կարգավորմանը հասնելու համար 1954 թվականի ապրիլի 26-ին, ժնևում հրավիրվելու է ՍՍՌՄ-ի, ԱՄՆ-ի, Ֆրանսիայի, Անգլիայի, Չինական ժողովրդական Ռեսպուբլիկայի, Կորեական Ռեսպուբլիկայի, Կորեական Ժողովրդա-Դեմոկրատական Ռեսպուբլիկայի և մյուս այն երկրների ներկայացուցիչների խորհրդակցություն, որոնց ղինված ուժերը մասնակցել են Կորեայում մղված պատերազմական գործողություններին: Արտաքին գործերի մինիստրները համաձայնվեցին այդ խորհրդակցությունում շահագրգռված պետությունների մասնակցությամբ քննարկել նաև

— 42 —

Հնդկաչինում խաղաղությունը վերականգնելու հարցը:

Չորս տերությունների արտաքին գործերի մինիստրները միաժամանակ պարտավորվեցին, որ միջոցներ ձեռք կառնեն նպաստելու զինաթափման վրած, համեմատյալ դեպ, սպառազինությունների զգալի կրճատման պրոբլեմի հաջող լուծմանը:

Ընկեր Մոլոտովը, մարտի 11-ին իր ընտրողների ժողովում ասաց, — Բեռլինի վերջերս տեղի ունեցած խորհրդակցությունը վերջապես ընդհատեց մեծ տերությունների խորհրդակցությունների այն տևական ընդմիջումը, որ շարունակվում էր վերջին մի քանի տարիներս: Մյուս կողմից հենց Բեռլինի խորհրդակցությունը վարկոր քայլ արեց, անհրաժեշտ համարելով ժնևի խորհրդակցության հրավիրումը ԱՄՆ-ի, Անգլիայի, Ֆրանսիայի, Սովետական Միության և Չինական ժողովրդական Ռեսպուբլիկայի ներկայացուցիչների կազմով, որոնք մյուս պետությունների ներկայացուցիչների հետ միասին պետք է քննարկեն կնշպես անափարտ մնացած կորեական հարցը, այնպես էլ Հնդկաչինում խաղաղությունը վերականգնելու հարցը, որի ժողովուրդը տևական

— 43 —

պայքար է մղում իր ազատութեան և ազգային իրավունքների համար:

Սովետական մարդիկ գոհունակութեամբ են նշում, այն հանգամանքը, որ այժմ Չինական Ժողովրդական Ռեսպուբլիկան իր օրինական տեղը կգրավի խորհրդակցութեանում մյուս մեծ տերութիւնների կողքին:

Բեռլինի խորհրդակցութեան ամբողջ ընթացքը ցույց տվեց, որ Սովետական վարչակարգի միջոցառումները նպատակ ունեն նվազեցնել միջազգային հարաբերութիւնների լարվածությունը, ամրապնդել խաղաղության գործը:

Բեռլինի խորհրդակցութեան արդյունքները վկայում են խաղաղության, դեմոկրատիայի և սոցիալիզմի լազերի միջազգային դիրքի ամրապնդումը:

Դոցենտ Ա. ԵՍԱՅԱՆ

## ՏԵԳԵԿԱՏՈՒ ԲԱԺԻՆ

ԷՄԲԱՐԳՈ — իսպաներեն բառ է, որը բառացիորեն նշանակում է՝ արգելք, կալանք:

Էմբարգո սահմանել՝ այդ նշանակում է, որ պետական իշխանությունը արգելում է որևէ երկիր ապրանք, ոսկի և այլ արժեքներ արտահանել կամ որևէ երկրից ներմուծել: Էմբարգոն կարող է կիրառվել նաև գույքի վրա կալանք դնելով, օրինակ՝ կալանք դնել օտարերկրյա պետության պատկանող նավերի վրա, կամ արգելել ուրիշ երկրների նավերին մտնելու իր երկրի նավահանգիստները և այլն:

Իմպերիալիստական պետությունների անտաքին ագրեսիվ քաղաքականության կիրառման գործում էմբարգոն գրավում է գլխավոր տեղերից մեկը: Խոշոր իմպերիալիստական պետությունների ձեռքում էմբարգոն մի միջոց է ուրիշ երկրների վրա տնտեսական ու ֆինանսական ճնշում գործադրելու, նրանց տնտեսությունը քայքայելու և ստրկացնելու համար: Իմպերիալիստական պետությունները էմբարգոն հաճախ օգտագործում են որպես հակասովետական քաղաքականության գործիք: Այսպես եղավ, օրինակ, 1933 թվականին, երբ Մեծ Բրիտանիան էմբարգո դրեց սովետական խմորտի վրա: Երկրորդ համաշխարհային պատե-



րազմից հետո էմբարգոն կազմեց այն տնտեսական բլոկադայի բաղկացուցիչ տարրը, որ կիրառում են ԱՄՆ-ը և մյուս իմպերիալիստական պետությունները Սովետական Միության, Չինական Ժողովրդական Ռեսպուբլիկայի և Ժողովրդական դեմոկրատական երկրների դեմ: Փորձելով իրազործել իրենց ինտերվենցիան Կորեական Ժողովրդա-Դեմոկրատական Ռեսպուբլիկայի դեմ, ԱՄՆ-ը հասավ նրան, որ 1951 թվականի մայիսին ՄԱԿ-ի Գլխավոր Ասամբլեան ապօրինի բանաձև ընդունեց Չինական Ժողովրդական Ռեսպուբլիկայի և Կորեական Ժողովրդա-Դեմոկրատական Ռեսպուբլիկայի մատակարարումների վրա էմբարգո դնելու մասին: Այդ ապօրինի բանաձևը միջազգային իրավունքի տարրական նորմաների և սկզբունքների կոպիտ խախտում էր ամերիկյան և մյուս իմպերիալիստների կողմից:

Ի տարբերություն ԱՄՆ-ի ագրեսիվ տնտեսական քաղաքականության, Սովետական Միությունն իր խաղաղասիրական քաղաքականությանը համապատասխան՝ շարունակ ձգտում է պահպանել ու ընդլայնել առևտրական կապերը բոլոր այն երկրների հետ, որոնք ցանկանում են մեզ հետ առևտուր անել փոխադարձորեն շահավետ պայմաններով:

Տարեցուտարի ընդլայնվում են Սովետական Միության և դեմոկրատական լազերի երկրների առևտրական կապերը:

Վերջին ժամանակներս զանազան կապիտալիստա-

— 46 —

կան երկրների առևտրական կազմակերպությունները և ֆիրմաները մեծ շահագրգռվածություն են հանդես բերում սովետական արտաքին առևտրի կազմակերպությունների հետ առևտրական գործարքներ կնքելու գործում: Վերջերս տեղի ունեցած բանակցությունների հետևանքով սովետական արտաքին առևտրի կազմակերպությունները պատվերներ տվեցին անգլիական ֆիրմաներին և համապատասխան պայմանագիր կնքեցին: Բացի դրանից, սովետական արտաքին առևտրի կազմակերպությունները և անգլիական համապատասխան ֆիրմաները սկզբունքորեն համաձայնության եկան հետագա պատվերների շուրջը:

Սակայն այժմ էլ, ինչպես երևում է մամուլի վերջին հաղորդագրություններից, անգլիական ֆիրմաների ներկայացուցիչները երկուդ են կրում, թե իրենց կառավարությունը էմբարգո կդնի պայմանագրի համաձայն Սովետական Միություն արտահանվող ապրանքների վրա:

ԱՆՇՆՆՈՒՄ — գերմաներեն բառ է, որը նշանակում է միացում, իմպերիալիստական Գերմանիայի կողմից Ավստրիայի հափշտակման քաղաքականություն: Անշըլուսը առաջացել է առաջին իմպերիալիստական պատերազմի տարիներին (1914—1918 թվերին): Երբ տեղի ունեցավ Ավստրո-հունգարական միապետության



անկումը, գերմանական խմբերի աղետները պահանջեցին Ավստրիան միացնել Գերմանիային, որի համար նրանք մշակեցին մի շարք նախագծեր Ավստրիան Գերմանիային միացնելու մասին:

Առաջին խմբերի աղետական պատերազմի ավարտումից հետո, Ֆրանսիայի պահանջով հաշտության վերադառնալու պայմանագրի մեջ հատուկ կետ դրվեց գերմանական անշլյուսը Ավստրիայի նկատմամբ վերացնելու, արգելելու առթիվ: 1933 թվականին, երբ Գերմանիայում հաստատվեց ֆաշիստական դիկտատուրա, հիտլերականները պահանջեցին անշլյուսի ենթարկել Ավստրիան, այն բռնի կերպով միացնել ֆաշիստական Գերմանիային: Գերմանական ագրեսորները օգտվելով ԱՄՆ-ի, Անգլիայի և Ֆրանսիայի թողալով իրենց և գաղտնի օգնությունից, 1938 թվականին գլխաված ուժով ներխուժեցին Ավստրիա և գրավեցին այն:

Սովետական կառավարությունը բողոքեց զավթողական այդ քաղաքականության դեմ և միաժամանակ պահանջեց Անգլիայի, ԱՄՆ-ի և Ֆրանսիայի կառավարություններից՝ պայքարի կոչելով միջոցներ ձեռք առնել գերմանական ագրեսորների նկատմամբ: Անգլիայի կառավարությունը դեմ դուրս գալով Սովետական կառավարության առաջարկին, 1938 թվի ապրիլին ճանաչեց Գերմանիայի անշլյուսը Ավստրիայի նկատ-

— 48 —

մամբ, իսկ ԱՄՆ-ի և Ֆրանսիայի կառավարությունները նույնիսկ չպատասխանեցին Սովետական կառավարության բողոքին:

Ֆաշիստական Գերմանիան օգտագործելով Ավստրիան, որպես պլանցդարմ, սկսեց զարգացնել զավթողական պատերազմական գործողությունները ընդդեմ եվրոպայի խաղաղասեր ժողովուրդներին:

1943 թվականի հոկտեմբերին, Մոսկվայում կայացած ՍՍՌՄ-ի, ԱՄՆ-ի, Անգլիայի արտաքին գործերի մինիստրների կոնֆերանսը ղեկավարելով շեղյալ հայտարարեց Գերմանիայի 1938 թվականի մարտի 15-ի անշլյուսը Ավստրիայի նկատմամբ:

Սովետական Միության ջինված Ուժերը շախշախելով ֆաշիստական հորդաններին, 1945 թվականի ապրիլին ազատագրեցին Ավստրիան: Սովետական Միության շնորհիվ Ավստրիական ժողովրդի համար ստեղծվեց ինքնուրույն գոյության և ազատ ղեմավարական կյանք վարելու լայն հնարավորություն: Սակայն ԱՄՆ-ի, Անգլիայի և Ֆրանսիայի ղեկավարողները հանցանքով միմյանց հիմա էլ չի լուծվում Ավստրիայի հետ պետական պայմանագիր կնքելու հարցը, և չի վերացվում Արևմտյան Գերմանիայի կողմից Ավստրիային անշլյուսի ենթարկելու վտանգը:

Ընկեր Մոլոտովը վերջերս տեղի ունեցած չորս տեղությունների Բեռլինի խորհրդակցությունում նշեց, որ ներկայումս աճում են այն ուժերը, որոնք ձգտում են





արագացնել գերմանական միլիտարիզմի վերականգ-  
նումը Արևմտյան Գերմանիայում և դա օգտագործել  
անշլյուսի նոր պլաններով խրականացման համար:

Խաղաղասեր ժողովուրդները, որոնց ավանդարդում  
ընթանում է Սովետական Միությանը, պայքարում  
են Ավստրիային անշլյուսի ենթարկելու իմպերիալիս-  
տական պլանների դեմ:

---

Խմբագիր՝ Գ.Ր. ՊԵՏՐՈՍՅԱՆ

Отдел Пропаганды и агитации ЦК КП  
Армении

№ 6

1954 г.

БЛОКНОТ АГИТАТОРА

ՎՅ 09301

Պատվեր 267

Տիրաժ 8.250

---

Հայպոլիգրաֆհրատի № 2 տպարան, Երևան  
Կոմկոմպոզի № 8, 1954 թ., գինը 50 կոպ.